

補遺

王炘字景齊廬龍籍監生性孝友樂善好施助人喪娶乾隆四十七年嘉慶十一年歲荒屢出錢米濟飢有求必與遠近德之嘉慶三年

詔舉孝廉方正邑人將以其名進固辭乃止

右孝義一人

倫可經廩貢生品卓三子也康熙三十八年裕親王賜冰玉堂匾額面詢願養之術三十九年十月二十一日

世宗憲皇帝時居東宮因事過藥

賜經鹿狔諸珍講易賦詩

命題賦得獵馬帶禽歸限三江韻經口占應

制七言律一首詩云西望旌旗出

帝邦

行輿東適涉灤江宜人紫氣迎關合市野清風與物麗
日近

青宮馳駿馬春臨黑水起飛鱗網開三面生爲德共祝
湯仁萬獸降詩出上下傳誦其父品卓著有正字通行世經
能承其家學云

衛全字慎修州人髫年穎異日誦萬言長舉於鄉凡

諸子百家無不貫徹旁通內典洵北平之名風也著有文集詩鈔藏于家

佟文光字

長白人也廩貢生十試棘闈屢薦不

售其家累世勲舊卜祖塋于灤之城西遂寄居焉爲人博聞強識精于翰墨凡秦漢隸篆以及黃筌青鳥杏林鐵筆虛中內史元保之學無所不通手訂有怡心錄四帙

右文學三人

王氏廩生韓原洞妻崇正庚午城破原洞殉節氏率子婦呂氏俱縊死

右貞烈二人

按人物志劄劄已竣又查得

孝義二人
文學三人

貞烈二人

補刊于此

灤州志卷之七下

人物志

孝義

遼齊陶馬城人天性純孝孺於閭里壽昌間徵授石城令潔清白凜求賢若渴愛民如子境內稱治遷明威將軍

金吉士寬吉甫裔也南漢太守格之後五代徙居灤州宜安里事親最孝富而好施贈昭勇大將軍

葛宏州人金末歲饑竭力贍恤全活數百人元辟爲石城尹

元

路進興字通舉州人大德間隨伯顏破賊不避矢石
累獲大功受勅牒印綬賜敦武校尉辭歸奉母務盡
菽水之歡母卒饘粥縞素哀毀逾節鄉人稱孝焉

任伯仁州人金進士南麓先生詢六世孫讓產於弟
伯義伯禮孝友出至性元貞中授銀符進義副尉武
衛親軍百夫長

明

馮欽字師堯其先浙江海鹽人祖寧明初遷灤由歲
貢任范縣主簿清勵至無以歸生子源明初授忠義

官欽茂穎彊記弱冠餽於庠就例遊太學交四方碩
彥推解以急友朋正德中仕京衛經歷見逆瑾肆虐
解組歸人以爲知幾源訓子常曰富者怨之府人已
嫉之從而驕人事端起矣欽能守父戒故推誠施與
閭里被其澤焉

姚清徐俊皆灤州樂亭人也景泰四年俱以尙義旌
之

謝福州人天順五年旌之曰尙義

石敬樂亭人天順七年旌爲尙義之門

劉本祥樂亭人五世同居御史張黼表其閭

安民安尙州人也巡撫汪玉贈匾曰友于之門

高漢樂亭人六世同居知府劉隅旌之

吳思文州人輸粟三百七十餘石救荒成化五年詔
賜七品散官

李福州人於成化七年爲義葬凡不能葬者舉之

徐禮州人成化間隆冬時施衣每歲行之不倦人懷
其惠

安民字修已州人嘉治己酉舉人授兵部司務歷戶
部郎中清慎練達嚮用未衰引疾乞休加正四品服

色歸後晉階三級初父和尹大同卒於官民幼扶櫬

還事母周氏曲盡懽愉母卒廬於墓慟毀三年未嘗
近帷室鄉人稱孝焉祀鄉賢

吳鎮州人嘉靖年間捐穀賑饑恩賜六品壽官

劉會州人嘉靖十六年輸粟一千石賑饑巡按御史
楊紹芳獎之榜曰尙義之門

高玉州人貲頗富嘉靖二十五年施義田并糧二千
石以周貧乏

陳鎮州人孝義令陳情之弟事母至孝營漏澤園共
施地六畝於福君廟東北里許

馮餘慶州人由明經授西華令一塵不染捐貲千金

建長橋於治郭以利涉歸施義田用濟貧族以孫運
泰貴贈罔鄉祀鄉賢

石璞州人賦性醇厚立心寬平人有急難多方周恤
而毫無德色推誠布公不吝不爭每以棲畝之餘割
共鄰族牛豕犯田者飽飼歸之以詩書訓後昆有先
民矩矱焉以子維嶽貴贈中憲大夫孫申貴晉贈通
議大夫少冢宰

石維岱增廣生因守城功准食廩餼

王克勤州庠生事繼母以孝聞萬厯十三年學按兩
獎其閭

高向辰字欽隣第長子廩生事繼母許夫人竭哀盡誠扶櫬步行百里友愛諸弟若不知爲異母者推誠任俠助友至數百金不惜親禮寒士有蘭臺聚韻事傳於世年四十二卒里人罷春名士會葬者不遠數百里而至世家子弟稱最賢而文者

高應辰字欽明尙書第仲子弱不勝衣靜淵沮蔚不敢以貴介忤物讀書雅究其蘊不務圭倪之術以官生任戶部照磨督犒援兵城下椎牛刲羊乾餼芻菱一手拮据勞瘁骨立丁父喪痛辭奔赴逮葬嘔血數升卧簣三月卒人稱伯鸞死孝

鄭中選字佐明始祖甫智以御史直諫謫灤州因著籍焉天性純孝不冠幘弗敢見父母遭喪哀毀盡禮以孝誼徵辟遷文登令清介自矢士民繪屏尸祝失上官意罷歸居鄉力行善事至今稱之

傅有良事親至孝崇正七年巡撫楊匾旌其門

劉景湯廩生崇正癸未守蘭坨堡有功議敘

馮運泰字六符斗華長子萬厯己未進士弱冠登賢

書藻譽籍甚篤於孝弟事繼母尤以孝聞

并見名臣

國朝

夏曰瑚州庠生父輔明於崇正九年隨叔建中之扶

風縣佐任死於流寇家人負骸骨歸瑚甫五歲賴母
聶氏苦節教撫遊庠自幼事母曲盡孝道母病密爲
嘗糞及歿哀毀逾常七日不食竭蹶殯葬廬於墓側
日夜哭泣哀感行路及三年歸猶日三至墓呼母不
應號泣反至老病必扶策往雖風雨無間

白純修廬生嘗施粥施棺以周貧病並捐金輸賦時
諸生欠賦者衆純修悉捐貲代完得急公恤友之義
焉

王學孔郡學生天性至孝幼失恃事父及繼母汪氏
極愉色婉容之致養志承意曲盡敬誠力學以圖上

達爲榮顯計弗售賣志先母卒母亦痛念踰於所生
二十年後時憶及必垂涕告鄰母曰安得復見孝順
如吾兒者吾不以死爲戚也至今里黨傳之不衰

張宗仕州人幼失怙事母盡孝及長喜讀孫吳書任
俠好施明崇正時從兵備張春軍中屢戰有奇功授
明威將軍順治壬辰癸巳間歲頻饑兩次輸粟一千
八百石有奇賑濟賴全活者無算郡守旌其門曰惠
博一方舉鄉賓又嘗捐渡船二隻水手四人置青坵
河口以濟行旅遠近咸感其德子起鯉任河防州同
孫瑛食饑州庠孝慈接武僉謂積德之慶云

王監字于隰州人性嚴重不苟嘖笑生平重然諾樂
獎後進而尤敦族誼凡婚喪藥餌棺木及急難事施
濟難更僕數於孝義節烈更加意曲成與人交不以
死生變易年八十卒進士汪公淑問爲著考終錄事
甚悉子四伯仲早世次代出繼季遂功府庠生

李毓元字儲英州人慷慨尙義一諾千金家設義塾
以訓族子歲解私橐以周親知急公排難之舉不可
勝紀康熙四十二年出粟一千石賑濟復捐助義倉
五百石大學士安溪李公光地撫直時給匾旌其門
子楨綽有父風次子彬任俠好義嘗捐穀助賑

李宏勲字冲谷毓元孫慷慨喜施值康熙五十七年
至六十年連歲歉收在九百戶古冶鎮兩處捐米施
粥全活無算又於康熙六十年及雍正元年二年間
開設義學捐備束修膏火延名士以課諸生州庠久
圯獨力修建制府上其事於

朝議敘七品頂帶府憲趙國麟贈匾曰宮墻之光

蔡繼孟旗人其先世徙居州南連北店雍正四年衆
佃立碑曰一鄉善士

李揚勲州庠生毓元孫所居村北水峪莊多佃租田
值乾隆八年歉收且大疫莊民死亡者皆私葬勲田